

MEĐUNARODNI DAN LJUBAZNOSTI

-Svjetski dan ljubaznosti jedan od najljepših praznika u godini.

Obilježava se od 1998. godine, 13. novembra, širom svijeta, a i vi ga možete obilježiti tako što ćete nekome uljepšati dan, lijepom rječju ili osmijehom. Ljubaznost je, nažalost, sve rjeđa, a dovoljna je da nam vrati osmijeh na lice.

Kako nekog usrećiti?

Nisu potrebni nam skupocjeni pokloni za sreću. Topao osmijeh, pozdrav, zagrljaj, lijepa komunikacija,... To su samo neki od primjera kako nekome uljepšati taj prekrasni dan.

Ljubaznost je zarazna. Ljubazan pogled, topli zagrljaj, sretan osmijeh, ohrabrujuća poruka nekome, nesebična pomoć osobi kojoj je potrebna, razgovor s usamljenom osobom; sve ove radnje i gestove svi smo sposobni.

Ponekad zapostavimo sebe i zaboravimo na lične potrebe. Počastite se tako što ćete uzeti omiljeni slatkiš, odvojite vrijeme da uživete u čitanju dobre knjige ili da se posvetite hobiju kojeg volite. Učinite bilo šta što će vas oraspoložiti.

Obilježite Međunarodni dan ljubaznosti gestovima koji će drugima pokazati da niste sebični, da vam je stalo do njih, trudite se da češće budete nasmijani i raspoloženi, i da tu pozitivnu energiju prenosite na druge.

U svakom slučaju, ljubaznost je definitivno nešto čega nam treba više, ne samo danas nego svaki dan a uz to je i besplatna!

Ljubaznost je jezik kojeg gluhoonijemi čuju, a slijepi ga mogu vidjeti- Mark Twain

Napisala: Adna Krajina VII-3

Član sekcije: CIVITAS